



UNIVERSITÄTS-
BIBLIOTHEK
PADERBORN

Universitätsbibliothek Paderborn

Quotidiana Christiani Militis Tessera

Stanyhurst, Guillaume

Coloniæ Agrippinæ, 1710

24. Dies Junii. Vix tota vita sufficit, ut hoc unum discas, vitam contemnere.

urn:nbn:de:hbz:466:1-45477

24. DIES JUNII.

Vix tota vita sufficit, ut hoc unum discas, vitam contemnere. *Seneca Epist. III.*

Vita spernenda. I. **I**lla demum extrema est hominis seu cæcitas, seu calamitas; illud maximi facere, quod oporteret maximè spernere, vitam. Nemo nostrum in hac vitali mortali, se putat mortalem, cum igitur videant homines vivendi perpetuitatem sibi denegatam, variis modis eam sibi comparare satagunt. Tota penè vita consumitur in procuranda noniinis fama, post vitam. Druso Germanicus pro more habebat, tunc potissimum. Cum educendus in expeditionem exercitus esset; omnium virorum illustrium, qui in Italia erant, monumenta visere. Rogatus, cur id faceret, respondit: Ideò se monumenta visitare Scipionum, aliorumque Heroum jam defunctorum; ad quorum dum in vivis erant, tota contremiscebat terra; ut prosperam illorum fortunam considerans, fortitudinem audaciamque compararet. Et addebat; vehementer animum ad cædendos hostes incitari, dum quis sui memoriam futuris sæculis, se relicturum cogitat. Nimirum spes posteritatis, cogit magnanimos in quævis pericula, sine periculi metu sese induere. Est enim virtutis uberrimum alimentum, honos. Nam ornamenti honorum incitatur imitatio; & virtus simul alitur exemplo honoris alieni.

H h 3

II. Prisci

II. Prisci illi Ethnici ; cùm neque inferos timeant, neque cæli gloriam sperarent; ex imbecillitate, robur: ex pusillanimitate, audaciam; ex timore, fortitudinem; ex periculo, confidentiam; ex inimicis, amicos : ex inopia, tolerantiam ; ex aliorum astutia, experientiam comparabant , tantùm ut memoriam sui nonnullam inter mortuos relinquenter ; & parumper inter vivos gloriæ consequerentur. Quid Ninum impulit, ut bella inveniret ? Semiramis, ut tanta extrueret ædificia ? Ulysses, ut tot enavigaret maria? Alexandrum Magnum, ut tot Regiones peragraret ? C. Cæsarem, ut justo quinquagies bis pælio certaret ? Annibalem, ut bellum tam crudele Romanis inferret ? Attillam, ut totam impugnaret Europam ? profectò non ideò res tam arduas suscepere, ut à coætaneis tantùm celebrarentur ; sed ut ea, quæ dicimus, qui nunc vivimus, diceremus : Nimirum, honestus ambitus est, quos sequimur, tempore, velle pæconiis anteire. Clarorum virorum famam pæcedentia pericula extollunt ; quæ profectò delitescit, nisi ubi probetur, invenerit. Præstantis viri est, vivum placere velle ; mortuum etiam laudari. Cùm porrò immortalis nominis semita non sit, nisi per pericula : hinc vile corpus est illis, qui magnam gloriam petunt. Omnes enim viri fortes , qui in exemplum prædicantur, ærumnis suis, inclyti floruerunt.

III. Sed cùm Auctor naturæ circumscriperit nobis curriculum exiguum vitæ; sed immensum gloriæ cur illud, quod tam exiguum est, pæ eo, quod immensum est, non contemnimus ? Incitat nobis pudorem: & exprimat è vultu ruborem, Ethnicus Imperator

unius.
s time-
illitate,
e, forti-
uimicis,
astutia,
noriam
& pa-

Tessera. 487
perator M. Marcellus, qui primus tergum Hanniba-
lis in acie vidit, qui rogatus, cur adeò foret audax in
committendo prælio? cur ita in conflictu confidens
esset? respondit: *Ego, amice, Romanus sum, & Dux*
Romanorum; itaque singulis me diebus decet caput di-
scrimini objicere. Si hoc dixerit Ethnicus, quid Ca-
tholicus? si Romanus, quid Christianus? memineris
testipendia facere sub Aquilis Christi. Dic ergò:
Christianus sum, ideoq; hæc vita caduca, præ æterna,
sicut est in se spatio brevis, ita & mihi pretio vilis, il-
lam pro Christo non tantum spernere; sed & per-
dere, mihi est ingens lucrum. Quis vitam hanc æsti-
met, cùm in ea minui necesse sit, quidquid fine jam
proximo in occidua, & extrema devergat: sive viride,
sive maturum, sive putre, sive decerptum, sive excus-
sum; necesse tandem est, vitæ hujus pomum à carnis
miseræ arbore avelli. Etsi enim mori, naturale est:
tamen sæpè nos in foliis, aut floribus juventæ, morbi
pruina, aut calamitatis grando aufert; ut cùm vivos
nos è strato surrecturos remur, in æternā claudamus
lumina noctem. Laboriosa, sumptuosa, inextricabi-
lis, & prolixa textu, est tela, hæc vita: sed ut multis
diebus detexitur: ita puncto temporis abrumpitur.
Hæc sententia mundo data est, ut omnia orta occi-
dant, & aucta senescant. Nonne prudenter inter-
roga tPoëta.

Quid prodest homini, si vivat secula centum?
Cum moritur, vitam transire putat, quasi ven-
tum.

H h 4

25.DIES